

Landado Jordy Groters ta bolbe kibra e record Arubano den e 50m pecho



ORANJESTAD/ NANJING – E landado Arubano Jordy Groters a sa na marca historia den e Weganan Olimpico Hubenil di Nanjing, China, ora den dos ocasion el a logra kibra e record Arubano den e estilo di pecho. Den su prome evento cu tabata e 100M pecho, e landado Jordy Groters a logra impone y kibra su propio record personal den e evento

aki, marcando un tempo nobo di 1:03.96.

Diaranson mainta e landado Groters mester a mira accion den e 50m pecho, aki Jordy ta yega na di cinco luga den e serie den cua el a participa y a logra kibra e record Arubano marcando un tempo nobo di 29.03. Mester bisa cu e tempo aki Jordy a logra clasifica pa e semi final, finalizando na di 16 luga.

E semi final a tuma luga den oranan di anochi. Den

e evento semi final, Jordy Groters ta landa den forma fenomenal y tabata determina pa mehora e record di mainta.

Aki e atleta Groters ta finalisa na di 3 luga den su heat, cu un tempo record di 28.90 seconde. Mester bisa cu Jordy ta finalisa na di 11 luga di tur e participantenan den e estilo aki y ta keda 0.06 seconde leu di pasa pa e gran final. Asina mes e ta kibra e record di Aruba como e prome atleta cu ta dreña den e binti ocho seconde. □



MEN'S 50M BREAST SEMIFINAL 1			
1(4)	CLAVERTIE CARLOS	VEN	28.19
2(3)	ZHANG ZHIHAO	CHN	28.57
3(6)	WATANABE IPPEI	JPN	28.74
4(5)	CROUS J.	USA	28.79
5(7)	BELL GRAYSON	AUS	28.86
6(8)	GROTTERS J.	ARU	28.90
7(2)	PRAVDIVTSEV A.	UKR	29.07
8(1)	DOMINGUEZ RAN.	DOM	29.12